



**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Observationes in Cap. IV. De Consecrationibus & Benedictionibus.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

ditur h̄ic de ipsius Materia principali, quæ est manuum impositio: nec de ejus Formâ; *Ego signo te Christum Salvatorem in nomine Patris &c.* nec de ejus Effectibus, qui sunt, incrementum gratia sanctificantis; jus ad auxilia necessaria, ut perfecti Officia Christiani implentur; & impressio Caracteris, propter quem iterari non potest; nec de ejus Fine, qui est corroborare in periculis amittendæ Fidei: nec de ejus necessitate, seu obligatione illam accipiendi; & nihilominus omnia h̄ac probantur per Canones Corpori Juris insertos, ut patebit in nostris REGULIS circa hoc Sacramentum. Hac omissione Autor desuit consilio suo hujusmodi Canones methodice exponendi.

Cum Unctio sit finis generalis Sancti Chrisnatis, Olei Infirmorum & Olei Cathecumenorum; Autor tria h̄æc, sub verbo *Unctionis Sacrae* complectitur: magna tamen intercedunt discrimina. Extat enim Balsamum in Chrismate, & hoc non adhibetur solum, nisi in Confirmatione, Consecratio Episcopi, Calicis, & Patenæ: Cetera sunt meri Olei species, ad varios usus destinatae; nam Oleum Infirmorum, ad solum Extremæ Unctionis Sacramentum destinatur, quamvis adhibeatur in Benedictione Campanarum. Quod Oleum Cathecumenorum, quamvis illud benedicatur ad Baptismum, usurpatur, non solum in Baptismo, perinde ac Chrisma: sed etiam cum Chrisnate adhibetur, ad Benedictionem Fontium Baptismalium, in Consecratione Ecclesie & Altaris. Vid. *BELLOTIUM in Ritus Ecclesie Landunensis* p. 798. n. 98. Itaque id, de quo loquitur *VIGELIUS*, usurpatur in *Quatuor Sacramentis*, Baptismo, Confirmatione, Ordinatione, Extremâ Unctione, & in pluribus Benedictionibus & Consecrationibus; quod tamen hic dicit, solum Extrema Unctionis Sacramentum respicit. *Reg. III. IV. V. VI.* quæ dicunt, Sacerdotis esse, ut illam conferat; Episcopum quoque eam dare posse; aut, quæ indicant Textus docentes, quibus illa conferenda sit, quando, & quomodo; *2. Ordinationem in Consecratione Episcopi*, *3. Consecrationem Altaris*, & Benedictionem Fontium *Reg. VIII. & X.*

Reg. I. tribuit Chrismati nomen *Sacramenti*, quod propriè non convenit nisi signis sensibilibus, quæ gratiam conferunt, itaque benignè accipienda est denominatio, & intelligendum *Sacramenti*, verbum, prout signum sensibile rei sacræ denotat.

Reg. IX. quæ dicit, Presbyteros Sanctum Chrisnum ab Episcopo petere debere, sub hoc verbo complectitur Oleum Infirmorum & Cathecumenorum, necessarium ad Baptismum & Extremam Unctionem. *Tres tantum* sunt in Corpore Juris *Textus*, qui de Extremâ Unctione loquuntur. *Can. 3. Dist. XCV. Cap. unic. de Sacr. unit. c. 14. de verb. signif.* sed quod in eis legitur, sufficit ad discendum, quod scitu dignum est; nempe ejus Materiam, Formam, Effectum, Ministrum, necessitatem, dispositiones, quas requirit, ut docuimus in Regulis circa hoc Sacramentum, ubi etiam referuntur, quæ de illo dicta sunt à *Concilio Tridentino* *Sess. XIV.*

Cernitur in *PONTIFICALI ROM. Part. 3. Cap. 4. Officium Benedictionis & Confectionis Sanctorum Olearum*, p. 487. *Editionis Paris. An. MDCLXXXIII.*

OBSERVATIONES in CAP. IV. de CONSECRATIONIBUS & BENEDICTIONIBUS.

Hic multas res valde invicem discrepantibus Author confundit. *1. Benedictionem*, cum Consecratione; que differunt in eo, quod hæc non fiat sine Unctione, quæ non requiritur in Benedictione: indè est quod de Ornamentis Ecclesie, & Vestibus Ministrorum Sacrorum, non dicitur, illa consecrari; sed tantummodo benedici. Idem est de Ecclesiis, quarum alia benedictæ, alia consecrata sunt. Item Oratoria vulgo duntaxat benedicta sunt, sive publica, sive privata sunt: perinde est de Capellis Domesticis, quæ numquam sunt consecratae, sed simpliciter benedictæ: idem obtinet circa Aquam, Sal, Panem, Abbates, Abbatissas, Cruces, Imagines, &c.

Consecrationem Sacramentali, qualis est Consecratio Episcoporum, & Eucharistie, confundit, cum Consecratione, siaplici ceremonia Ecclesiastica, quæ adhibetur erga Ecclesias, Altaria, Calices, Patenas, Reges, Reginas, &c.

Ecclesiæ Consecrationem confundit, cum ipsorum Reconciliatione, qua semper sine Unitione fit. Unctio autem semper adhibetur in Consecratione Ecclesiæ; Reconciliatio fieri potest per simplices Presbyteros; Consecratio autem ad folios Episcopos pertinet. Reconciliatur Ecclesiæ benedictæ, perinde ac consecrata: Reconciliatur Cæmeteria, quæ numquam consecrata fuere, eodem modo, quo Ecclesia consecrata.

Hæc omnia distincta sunt in nostris REGULIS circa Ecclesias, in quibus prolixè disseritur, de earum Consecratione Pollutione, Reconciliatione, &c., præcesteris rebus, ostensum fuit, Pollutionem non detrui Consecrationem, quæ non perit nisi per ruinam, aut totalem, aut majoris partis, & Reconciliationem valde à Reconciliatione discrepare.

His Observationibus præmissis, ab enumeratione abstineremus possimus; verum paucæ delibabimus ex singulis *Regulis*; quæ gravibus peccatis turgent.

Reg. II. Magnam habet affinitatem cum *Reg. LX. de Baptismo*. Quod in hanc dictum fuit, ad illius expositionem inservit; ideoque ad eam remitteremus. In utraque agitur de iteratione rei, quæ, ubi ritè facta, iterari non potest, & quæ, si nulla sit, ob defectum aliquis rei ad ipsius validitatem requiri, refici potest, & tunc non iteratur realiter; quod enim irritum est, pro infecto haberi debet. Idem est de casu, in quo sufficiens probationes non extant, ceremoniam factam fuisse, vel legitima est suspicio, eam male factam fuisse.

Affinitas hæc patrocinatur remissioni, quam fecimus, ad aliam *Regulam*; sed cum illa non sit totalis, atque esse nequeat, ideo quod Baptismus sit Institutionis Divinæ, & Consecratio Ecclesiæ, Altarium, Calicis, Patenarum, sit Institutionis Ecclesiasticæ; observandum est, hinc confici, quod Ecclesia jubere potest, ut hæc, etiæ ritè facta, quibusdam in casibus iteraretur (tales sunt omnes casus Pollutionis, quibus illa medetur, per Reconciliationem) jubere enim posset, ut res consecrata sic suam Consecrationem amitterent; quod facere nequit erga Baptismum, qui, ratione Caracteris indebilis, quem imprimis, numquam, si ritè acceptus fuerit, iterari potest, quocunque in cau.

Observandum est etiam, Ecclesiam, nedum jussisse, ut Loca consecrata suam Consecrationem in Casibus Pollutionis amitterent, illaque revocaretur, sed id prohibuisse perspicue, illos distinguendo à Casibus destructionis & readificationis.

Principio hujs *Regula* occurrit exemplum confusonis observata erga Consecrationem & Benedictionem: nam rebus consecrandis annumerat Vasa & Ornamenta, quæ solummodo benedicuntur.

Quod dicitur in hâc *Regula* & in *Reg. IV. Altaria* suam Consecrationem amittere, per fractionem in loco, ubi sunt Reliquæ, & cum haec suo loco eruantur; verum est quod eos, qui sentiunt illa validè non consecrari sine Reliquiis: secus quod alios. Vide *SANBOVIUM, Refolut. Tom. I. Cap. 258.*

Conjugere debuisset quidquid in Regulis suis nempe *Reg. II. & V.* dicit, circa Pollutionem: nempe *1. Eam nasci ex violentia Sanguinis Humani effusione*: *2. Ex Criminibus Impunitatis*. *3. Ex Sepultura Infidelium, Hereticorum, & Excommunicatorum in Locis Sacris*; hi denunciati esse debent. *4. Loca polluta reconciliari*, per aspergitionem Aquæ solemniter benedictæ, cum vino & cinere, *Cap. 4. & 5. de Consecr. Eccles.* Hac in Regula Reconciliatione cum Consecratione confunditur, in quâ præterea adhibentur Thus, Chrisma, Oleum Cathecumenorum *PONTIF. ROMAN. de Eccles. Consecr.* pag. 258. Idem fit

in Reg. XIII. quæ dicit, Oleum non benedictum, per mixtionem cum benedicto, fieri benedictum: quod ad Vinum consecratum extendi nequit.

Reg. XIV. quæ dicit generatim, Consecrationem fieri in Loco sacro; vera esse nequit de omni Consecratione; quia supponit Ecclesiæ Consecrationem.

Reg. XV. & XVII. restringi debent ad Consecrationem Chrismatis & Sanctorum Oleorum, quæ, propriè loquendo, est simplex Benedictio, & sola, quæ annua sit.

Reg. XVI. & XVIII. restringi debent ad Consecrationem Ecclesiæ, quæ fieri potest Diebus Feriatis, sicut in Dominicis, & cuius Solemnitas Octo dies durat, Consecratio Episcopi fit solùm Die Dominicino.

Reg. XVII. convenit Consecrationi Ecclesiæ, & Consecrationi Episcoporum, quæ fieri debent à Jejuno: idem est de alia qualibet, quam comitatur, aut sequitur, Sacrificium: talis est Consecratio Altarium sive fixorum, sive portatilium. Idem est de Benedictione Abbatum & Abbatisarum. Hoc Ecclesiarum Consecrationi, quoad jejunium, peculiare est, quod is, qui eam facturus est, & ii, qui eam poscent, die praecedenti jejunare teneantur; PONTIF. ROM. de Consecr. Eccles.

Reg. XIX. Soli Ecclesiarum Consecrationi convenit, in eo quod dicit, adhiberi in Consecratione non solùm Preces, sed etiam Sal. Textus laudatus in Reg. XX. respicit solùm Consecrationem Ecclesiarum, de quâ dicit, eam sine Missâ fieri non debere, sed hoc non est peculiare huic Consecrationi, sed etiam convenit Consecrationi Episcoporum, & Altarium, atque etiam Benedictioni Abbatum, & Abbatisarum.

Reg. XXI. quæ dicit, licentiam Pontificis, ad Ecclesiarum Consecrationem, requiri; generaliter falsa est, & ab usu aliena. XXII. solam respicit Eucharistiam, in quâ, post Consecrationem solæ remanent Species panis & vini: aliae Consecrationes nullam neque in rebus, neque in personis, mutationem substantiale operantur.

XXIII. pertinet ad omne Consecrationis genus: omnes enim gratuita esse debent, sicut administratio Sacramentorum, & celebratio Missæ. Quod dicit XXIV. eum, qui Ecclesiæ Consecrationem procurat, ad eam dotandam teneri; ad Benedictionem Capellarium, sive privatarum, sive publicarum, exten-ditur.

Autor, non animadvertis, inter res, de quibus locutus est, agendo de Consecratione, multas esse, quæ solùm benedicantur, ut cernitur in Pontificali & Ritualibus: novissimas Regulas infundit in expositione Benedictionis; & declarat, se id facere propter ejus affinitatem cum Consecratione: Reg. XXV. in quâ dicit, Abbatissas non benedici: quod falsum, sicuti quod addit, Abbes non benedici, nisi Priviliegati sint; nam, Benedictione Abbatum & benedictione Abbatissæ, de jure Communi est, & PONTIF. ROM. prescribit formam. Omissa fuit negatio in Reg. XXVII. quæ dicit, Inferiorem posse Superiorem benedicere: verò simile non est, Autorem contradixisse S. PAULO: præterea illa est in Can. 6. Distr. XXI. quem laudat. Quod dicit in XXIX. Benedictionem fieri debere à jejunio, & hora tertia; non nisi ei convenit, quam præcedit, aut comitatur, aut sequitur, Missa: quales sunt, Benedictiones Abbatum, aut Abbatisarum, & Panis benedicti, qui affertur in Missâ; aliae sunt qualibet hora, & post prandium.

OBSERVATIONES in CAP. V. de POENITENTIA.

Principio colligendum erat quidquid Pœnitentiam generatim respicit, & convenit Pœnitentia, quatenus Virtuti, & Pœnitentia, quatenus Sacramento: utrique commune est hoc, ut sit dolor sincerus ob peccatum commissum, & voluntas ultra non committendi, ac satisfaciendi pro commissione. Sub titu-

lo de Pœnitentia in genero, colligere opus erat omnes Canones, qui Pœnitentia statuta respiciunt, sub Legi Naturæ, & sub Legi Mosaïcæ; atque identidem oblervare id, quod ad Pœnitentiam virtutem, pertinet, ad Sacramenti Dignitatem evectum fuisse per Legem Novam, quæ huic virtuti, tunc ad remissionem peccatorum sufficiens, adjecit obligationem Confessionis, & parendi Judicio ejus, qui illam excipit, sive quoad Confessionem, sive quoad Absolutionem.

Ante Institutionem Sacramenti, nulla erat obligatio confitendi apud Sacerdotem peccata sua, tam interiora, quam exteriora: remissio à nullius Sacerdotis Judicio pendebat; quotus quisque peccator sibi Pœnitentias imponere debebat, sive congruas satisfactiones, sive ad non recidendum, sive ad expiandum peccata commissa. Obligatio, proportionandi Pœnitentiam peccato sive interius, sive exterius omni tempore viguit. Idem est de obligatione reparandi scandali, quod peccati publicitas peperit: hujus gnarus DAVID, publicam Pœnitentiam egit, ob peccata sua publica: *Ninivitæ* idem egerunt. Nova Lex hac in re non differt ab aliis, nisi quoad modum & Electionem formæ, quam fieri debeat; in ea præstabilitur, & dirigitur juxta qualitatem peccatorum, ita, ut liberum non fuerit eligere pœnas sibi impendendas, eorumve durationem determinare; prius autem peccatori licebat eligere media, quæ apta duixerat, ad expiationem suorum Criminum, illorumque usum ac durationem definire, modò usque ad mortem produceret ob Dei offensam; atque attentionem ad vitandum sedulò omnes occasionses relapsus.

Expositis iis, quæ ad Pœnitentiam in genere spectant, nec non Communibus proprietatibus Pœnitentia virtutis, & Pœnitentia Sacramenti; continuâ serie colligi debuisset id, quod Pœnitentia Sacramento peculiare est: ejus Institutio, Materia, Forma, Minister, necessitas, effectus. Omnes Canones, qui docent CHRISTUM dedisse suis Apostolis atque, in eorum personâ, omnibus Presbyteris, potestatem remittendi peccata, aut retinendi, solvendi, aut ligandi, & laudant loca Novi Testamenti, quæ probant hoc factum, pertinent ad institutionem hujus Sacramenti. Ejus Materia applicandi sunt omnes Canones, qui loquuntur de iis, quæ vulgo *Actus Pœnitentis* vocantur; nempe Contritio, Confessio, Satisfactione. Ad Formam, pertinent omnes, qui loquuntur de verbis, quibus peccata remittuntur. Omnes, qui agunt de Personis, quæ habent potestatem absolvendi à peccatis confessis, respiciunt Ministrum. Denique omnes, qui loquuntur de remissione peccatorum, ex vigore Clavium, spectant Effectus hujus Sacramenti, qui consistunt in eo, quod tribuatur cum Gratia Sanctificanti, quæ peccatum repellit, jus ad auxilia necessaria ad vitandum relapsum, quorum principium est amor justitiae, & desiderium satisfaciendi pro peccatis remissis.

Loquendo de Contritione, colligere opus erat summam Canonum loquuntum de Charitate, quæ debet esse motivum doloris, in quo consistit Contritione. Cum amor Creaturæ peccatum committat, amor Creatoris læsi detestationem peccati operari debet: magna est illorum Canonum copia in Distr. I. II. III. De Pœnit. Aptiores ad Argumentum si sunt, qui docent, Charitatem justificare, & justitiam unâ cum illâ nasci & crescere. His Canonibus jungendi erant, qui loquuntur de aliis conditionibus Contritionis; nempe, quod ea extendi debeat ad omnia peccata lethalia commissa, & includere propositum seruum ultrâ non peccandi. Continuâ serie colligendi erant omnes Canones, qui respiciunt Confessionem, incipiendo ab iis, qui loquuntur de ejus necessitate; tum pergendo ad eos, qui agunt de conditionibus requisitis ad ejus validitatem: nempe, ut sit integra, ita, ut nullum omissatur ex peccatis mortalibus commissis; sincera sit ac fine tergiversatione; fiat cum dolore, & apud cumdem